

Talaallii COVID-19 fudhachuu

Vaccinate WA
CovidVaccineWA.org

Weeraricha dhibee kana ittisuun cimaa ture. Haa ta'u garuu COVID_19 nurraa ittauu kan danda'an talaalliwwan jiru.



Talaalliwwan kun bilisaan kennamu.

Baasii talaalliwwanii kan danda'u mootummaa federaalati. Talaallii laachudhaaf dhiyessitonnii isin kaffalchiisuu danda'u; haa ta'u garuu, inshuraansin fayyaa uwwisuu ni mala. Kaffalachuu kan hin dandeenye yoo ta'e, dhiyessitooonni isin kaffalchiisuu dhiisuu malu.



Doosiwwan meeqa akka barbaaddan gaafadhaa.

Tallaallii maalii akka fudhatte irratti hundaa'udhaan, doozii 1 hanga 3 jidduu si barbaachisa. Doozii hangamii akka si ykn daa'ima tee barbaachisu beekuuf dhiyeessaa fayyaa kee dubbisi. Erga tarree jalqabaa xumurtanii booda daa'imni tee fii atis ittisa dabalaa doozii 2-6 isin barbaachisuu mala.



Talaalliwwan lamaanuu nageenyi fi bu'a qabeessummaan isaanii kan mirkanaa'edha.

Talaalliwwan kun COVID-19 ittisuu irratti dhibbeentaa 94 bu'a qabeessadha. Talaalliwwan hundinuu itti fayyadama balaa tasaa U.S. Food and Drug Administration (FDA, Bulchiinsa Nyaata fi Qoricha U.S) kan raggaasifame yookin hayyameedha—kana jechuun FDA waan rakkoo geessisu hamaa ta'e homaa hin argine.



Namni umuriin isaa ji'a 6 ykn sanaa olii kamiyyuu ittisa dabalaa fudhachuu danda'a.

Talaallin COVID-19 namoota umuriin isaanii ji'a 6 fi isaa olii hundumaaf jira. Beellama barbaaduf yookin qabachuuf [VaccineLocator.doh.wa.gov](https://www.vaccineLocator.doh.wa.gov) ilaalaa. 1-800-525-0127 tti bilbiluus dandeessu, itti aansun # tuqaa. Tajaajila hiika afaanitiif, yeroo bilbilli ka'u afaan dubbachuu dandeessan maqaa dhahaa.



Tarii rakkoowwan biroo isinitti dhagahamuu malu.

Akkuma talaalliwwan kan biroo erga talaallii fudhattaniin booda miirri dhukkubbii gateettii, dhagna gubaa, mataa bowwoo yookin bututuu isin mudachuu danda'a. Kunneen mallattoolee talaallichi hojjachuu isaa agarsiisaniidha.



Nageeny keessan eegaa.

Erga talaallii fudhattaniin booda, maaskii keessan godhadhaa, ijjata jaha (meetira lama) nama irraa fagaadhaa, heddummattanii akka walitti hin qabamne.

Gaaffilee? Visit: www.CovidVaccineWA.org

Talaalii COVID-19 Fudhachuu

Talaaliiwwan kamtu jiira?

Talaaliiwwan afurtu jiru – Pfizer, Moderna, Novavax, fi Johnson & Johnson.

Talaaliiwwan hundinuu itti fayyadama balaa tasaa U.S. Food and Drug Administration (FDA, Bulchiinsa Nyaata fi Qoricha U.S) kan raggaasifame yookin hayyameedha—kana jechuun FDA waan rakkoo geessisu hamaa ta’e homaa hin argine.

COVID-19 dhaaf talaalii argachuu kan qabu eenyu?

Talaalii fudhachuun fedhii keessan irratti hundaa’a. Fudhachuudhaaf yoo murteessitan, garuu immoo kanneen armaan gadii yoo isin irratti argame, qaama talaalii isiniif kennutti himuu qabdu:

- Alarjii cimaan isin mudatee ture yoo ta’e
- Dhaqna gubaa yoo qabaattan
- Rakkina dhangala’uu dhiigaa yo qabaattan yookin waanta dhiiga keessan sirreessu yoo fudhattan
- Rakkina dandeettii dhibee ittisuu dadhabuu yoo qabaattan yookin qoricha sirna dandeetti dhibee ittisuu keessan miidhu fudhataa jirtu yoo ta’e
- Ulfa yoo taatan, ulfa ta’uudhaaf karoora qabdu yoo ta’e yookin harma hoosisaa jirtu yoo ta’e
- Talaalii COVID-19 kan biraa fudhattaniirtu yoo ta’e

Sababa kanaan dura doozii COVID-19 fudhattaniif yookiin qabiyyee talaalicha keessa jiru kamiifuu qaama keessan alarjiin mudateera yoo ta’e, talaalicha fudhachuu hin qabdan.

Talaalichi mRNA tiksuu fi qaama keessatti akka hojjatu kan gargaaru yoo ta’u, qabiyeewwan cimoo ta’an, ashaboo fi sukkaara of keessaa qaba.

Talaaliiwwan Pfizer-BioNTech ykn Moderna fudhachuudhaaf ji’oota 6 gahuu qabda, talaalii Novavax dhaaf immoo waggaa 12 ykn sanaa ol, talaalii Johnson & Johnson dhaatiif immoo waggaa 18 ta’uu qaba.

Fayidaa isaatiin alatti rakkoolee maalii qaba?

Erga talaalichi fudhatmee guyyaa tokko yookin sadi booda fayidaa isaatiin alatti rakkoo biroo talaalichi qabu arguun waanuma jiruudha. Rakkooleen kunneenis dadhabii, dhukkubbii maashaa harkaa bakka lilmoo warannatanii, qaama gubaa, mataa bowwoo, dhukkubbii bakka qaamni namaa itti wal-qunnamutti, qorrisiisuu, ol-deebisuu. Mallattoon yoo isin dhiisuu dide doktara keessan yookin kilinika qunnamaa.

Erga talaalii fudhattaniin booda bakka sanaa osoo hin bahin daqiiqaa 15 hanga 30 turuu qabdu; sababani isaa alarjiin yookin rakkoon biraa yoo isin mudate, namni talaalii isiniif laate akka isin gargaaruf. Yeroo talaalii eeggatan, rakkoon yoo isin mudateef v-safe galmaa’uu ni dandeessu: v-safe.cdc.gov.

Rakkoo talaalichi geessisu isin yookin qaamni talaalii isiniif laate Mala Gabaasa Yeroo Talaaliin Rakkoo uumuu (Vaccine Adverse Event Reporting System (VAERS) irratti gabaasuu ni dandeessu: vaers.hhs.gov/reportevent.html.

Erga kilinikaa baatanii rakkoon alarjii yoo isin mudate 911 tti bilbilaa. Maallattooleen alarjii kan kanneen of keessatti qabata: hafuura baafachuu dadhabuu, fuulli yookin qoonqon keessi bobbokokuu, onneen saffisaan rukutuu, qaama namaa irratti waanti akka shifii saffisaan yaa’uu, loobba’uu fi dadhabii fa’i.

Ergan talaalii fudheen booda maaltu ta’a?

Ati ykn daa'imni talaalii doozii lama ykn sadi fudhatta taanan, doozii kee isa itti aanuuf beellama qabadhu. Doozii(wwan) kee isaan itti aanan fudhachuudhaaf, torbanoota 3-8 booda deebi’i. Odeeffannoo dabalataa talaalii irratti argachuudhaf, maaloo doh.wa.gov/covidbooster ilaali.

Erga talaalii fudhattaniin booda, guutummaatti dhibee isin irraa ittisuuf hanga torbee lamaa fudhachuu danda’a. Dhibee irraa ittifamuun itti fufiinsan akka turuuf ji’oota lamaa hanga jahaa gidduuttii doozii dandeettii dhibee ittisuu dabaluu fudhachuun ni gorfama.



DOH 348-782 December 2022 Oromo

Dookimantii kana foormatii adda biraan ajaaju yoo barbaadan, bilbilaa 1-800-525-0127. Maammiltootni dhaga’uu irratti rakkoo qabdan yookiin dhaga’u hin dandeenye, kana irratti bilbila 711 (Washington Relay) yookiin Imeeyilii erga civil.rights@doh.wa.gov.